

取猪膽白皮曝乾合作小繩子如麤釵股大小燒作灰待冷便以灰點翳上不過三五度即差

又方輕身益氣明目

蕪菁子一升水九升煮令汁盡日乾如此三度搗末水服五寸七日三

斗門方治火眼

用艾燒令烟起以碗蓋之候烟上碗成煤取下用温水調化洗火眼即差更入黃連甚妙

廣利方治眼築損努肉出

生杏仁七枚去皮細嚼吐於掌中及熱以綿裹筋頭將點努

道藏輯要

肘後備急方

聖

虛集十一  
日三三

肉上不過四五度差

藥性論云

空心用鹽揩齒少時吐水中洗眼夜見小字良

顧含養嫂失明

含嘗藥視膳不冠不食嫂目疾須用蚺蛇膽合計盡求不得有一童子以一合授含含開乃蚺蛇膽也童子出門化為青鳥而去嫂目遂差

治卒耳聾諸病方第四十七

葛氏耳卒聾

取鼠膽內耳內不過三愈有人云側臥瀝一膽盡須更膽汁

從下邊出初出益聾半日頃乃差治三十年老聾

又方巴豆十四枚搗鵝脂半兩火鎔內巴豆和取如小豆綿裹內耳中差日一易姚云差三十年聾

若卒得風覺耳中怳怳者

急取鹽七升甑蒸使熱以耳枕鹽上冷復易亦療耳卒疼痛  
蒸熨

又方栝蒌根削令可入耳以臘月猪脂煎三沸出塞耳每日作  
三七日即愈

姚氏耳痛有汁出方

熬杏仁令赤黑搗如膏以綿裏塞耳日三易三日即愈

道藏輯要

肘後備急方

聖

虛集十一  
川參上

聾耳耳中痛膿血出方

月下灰吹滿耳令深八無苦即自出

耳聾菖蒲根丸

菖蒲根一寸巴豆一粒去皮心二物合搗篩分作七丸綿裹

卧即塞夜易之十日立愈黃汁立差

耳中膿血出方

細附子末以葱涕和灌耳中良單葱涕亦佳側耳令入耳

耳中常鳴方

生地黄切以塞耳日十數易

小品療聾耳出膿汁散方

礬石二兩燒黃連一兩烏賊魚骨一兩三物爲散卽如棗核  
大綿裹塞耳日再易 更加龍骨

### 耳聾巴豆丸

巴豆一枚去心皮斑猫一枚去翅足二物合搗篩綿裹塞耳  
中再易甚驗云此來所用則良

又方磁石菖蒲通草薰陸香杏仁草麻松脂搗篩爲末分等蠟  
月摠脂和硬和爲丸稍長用釵子穿心爲孔先去耳塞然後  
內於藥日再初著痒及作聲月餘總差殿中侯監効

### 耳卒痛

蒸鹽熨之

### 道藏輯要

肘後備急方

聖

虛集十一  
川三上

痛不可忍求死者

菖蒲附子各二分末和烏麻油煉點耳中則立止

聾耳濃血出

車轄脂塞耳中膿血出盡愈

### 附方

肘後方療耳卒腫出膿水方

礬石燒末以筆管吹耳內日三四度或以綿裹塞耳中差  
經驗方治底耳方

用桑螵蛸一箇慢火炙及八分熟存性細研入麝香一字爲  
末糝在耳內每用半字如神効如有膿先用綿包子搥去次

後糝藥末入耳內

又方治耳卒聾

巴豆一粒蠟裏針刺令通透用塞耳中

梅師方治耳久聾

松脂三兩煉巴豆一兩相和熟搗可丸通過以薄綿裏內耳孔中塞之日一度易

聖惠方治腎氣虛損耳聾

用鹿腎一對去脂膜切於豉汁中入粳米二合和煮粥入五味之法調和空腹令之作羹及酒並得

杜壬方治耳聾因腎虛所致十年內一服愈

道藏輯要

肘後備急方

器

虛集十一  
川女

蠅至小者四十九枚生薑如蠅大四十九片二物銅器內炒至生薑乾爲度爲末都作一服初夜溫酒下至二更盡盡量飲酒至醉不妨次日耳中如笙簧卽効

勝金方治耳聾立効

以乾地龍入鹽貯在葱尾內爲水點之

千金方治耳聾

以雄黃硫黃等綿裏塞耳中

又方酒三升漬黃荊子一升碎之浸七日去滓任性服盡三十二年聾差

又方以醇酢微火煎附子削令尖塞耳効

外臺祕要治聾

芥子搗碎以人乳調和綿裏塞耳差

楊氏產乳方療耳鳴無晝夜

烏頭燒作灰菖蒲等分爲末綿裏塞耳中日再用効

治耳爲百蟲雜物所入方第四十八

葛氏百蟲入耳

以好酒灌之起行自出

又方閉氣令人以蘆吹一耳

又方以桃葉塞兩耳立出

蜈蚣八耳

道藏輯要

肘後備急方

聖 虛集十一

以樹葉裏鹽灰令熱以掩耳冷復易立出

蚰蜒八耳

熬胡麻以葛囊貯枕之蟲聞香則自出

蟻八耳

炙猪脂香物安耳孔邊卽自出

神效方蚰蜒八耳

以牛酪灌滿耳蚰蜒卽出出當半銷若入腹中空腹食好酪  
一二升卽化爲黃水而出不盡更作服用手用神驗無比此方  
是近得

又方小鷄一隻去毛足以油煎令黃筋穿作孔枕之